

## 2015-imi nukimmik atuineq

**2015-imi nukissiuutinit atukkat 1,7 pct.-imik annertusisimapput. Nukissiuutinit atuinerup qaffannera silap nillersimaneranik taamaasillunilu kiassarnerup annertunerusimaneranik pissuteqarpoq. 2015-imi silaannaap pissusaa malillugu aaqqiissuteqareermermi nukissiuutinit atuineq ukiup siulianut sanilliullugu 1,7 pct.-imik annikinneruvoq.**

Nukissiuutinit atuineq 2015-imi 8.626 TJ-imut qaffassimavoq, 2014-imi 8.481 TJ-iusimasoq. Nukissiuutinit atuinerup qaffannera silap nillersimaneranik pissuteqarpoq. Gasuuliamik, benziinamik, petruuleumimik, Jet A-1-imik, Diesel Fuel Arctic-imik (DFA) aamma LPG-imik atuineq 0,9 pct.-imik qaffassimavoq nukissiuutinit piujuaannartunit atuineq 6,9 pct.-inik qaffassimasoq.

Naatsorsueqqissaartarfimmit saqqummersinneqartut *Nukissiuutinit atukkat* saniatigut *silaannaap pissusaanut naleqqussaareermermi atukkat* siullerpaamik kisitsisitigut paasissutissiarineqarlutik saqqummersinneqarput. *Silaannaap pissusaanut naleqqussaareermermi atukkani* ukiup ingerlanerani silap pissusaa nalinginnaasoq tunngavigalugu iluarsiiisoqarpoq. Silaannaap pissusaanut naleqqussaanerup ineriartornermi suna pissutaasimanersup ersersinneqarnissaa siunertaraa. 2015-imi silaannaap pissusaa malillugu aaqqiissuteqareermermi nukissiuutinit atuineq 8.292 TJ-usoq ukiup siulianut sanilliullugu 1,7 pct.-imik annikinneruvoq.

## Nukissiuutinit atukkat aamma silaannaap pissusaanut naleqqussaareerluni atukkat



2015-imi nukissiuutinit pilersuineq 1.620 KJ-ulluni ukiup siulianut sanilli-ullugu 6,7 pct.-imik annertuneruvoq. Nukissiuutit pilersuisut tasaanerupput imeq atorlugu nukissiuutit aamma eqqakkat atorlugit nukissiuutit. Kalaallit Nunaat namminerisaminik nukissiuutinit pilersuina 17,4 pct.-iniit 18,3 pct.-imut qaffassimavoq.

2015-imi Nukissiorfiit innaallagiamik pilersuinerata 81,3 pct.-ia imeq atorlugu nukissiornermit pivoq. Nukissiorfiit katillugit 1.873 KJ-mik innaallagiamik pilersuivoq.

2015-imi silaannarsuarmik mingutsitsineq sanilliussinermi 523.962 ton CO<sub>2</sub>-iusoq 0,6 pct.-imik qaffassimavoq. Silap pissusaa tunngavigalugu iluarsinermi 2,6 pct.-imik apparsimasoq. 1990-imiit 2015-imut silaannarsuarmik mingutsitsineq silap pissusaanik iluarsisuteqareernermi 18,1 pct.-imik apparsimavoq.

2015-imi angallassinermut assartuermullu nukissiuutinit atukkat 6,1 pct.-imik qaffassimapput, 1.573 TJ-usimallutik. Tunisassiornermi nukissiuutinit atuineq 5,3 pct.-inik apparsimavoq, 2.233 TJ-usimalluni, tamanna aalisakerivinni nukissiuutinit annikinnerusumik atuineramik pissuteqarpoq annerusumik. Niuernermik kiffartuussinermillu inuussutissarsiutillit nukissiuutinit 1.611 TJ-nik atuinerat 2,7 pct.-inik apparsimavoq angerlarsimaffinni atuineq 2.231 TJ-usimasoq 1,2 pct.-inik qaffassimalluni.

Saqqummersitaq ”2015-imi nukimmik atuineq” pdf-filitut Naatsorsueqqissaartarfiup nittartagaatigut [www.stat.gl](http://www.stat.gl) iserfigalugu aaneqarsinnaavoq.

Annertunersumik paasisaqarnerorusuttut Naatsorsueqqissaartarfiup ittuanut Anders Blaabjerg-imut oqarasuaat (toqqaannartoq) 34 57 81-imut sianerlutik saaffiginnissinnaapput.

---

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- \* Foreløbigt eller anslået tal

Eventuel henvendelse

Anders Blaabjerg

E-mail: [ABLA@stat.gl](mailto:ABLA@stat.gl)

Tusagassiuutitut nalunaarut

Grønlands Statistik  
Postboks 1025 · 3900 Nuuk  
Tlf.: +299 34 57 70 · Fax: +299 34 57 90  
[www.stat.gl](http://www.stat.gl) · e-mail: [stat@stat.gl](mailto:stat@stat.gl)

